

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

tage vnd die nacht. Vnd do der morgen ward gemacht. Der brennent wind hüb auff die hewschrecken. Sye stigen auff vber alles das lande egipt. vnd sassen vnzallich in allen den enden der egiptier. Das ir als vil vor der zeyt mit warre gewesen. noch darnach seyn künfftig. Sy bedeckten alles das antlytz der erd. vnd verwüste alle ding. Darumb das kraut der erd ward verwüst. vnd was der öpfel was an den paumē. dy der hagel het gelassen. Vnd nichtz mit vber all ist belyben grunend an den höltzern. vnd an den kreutern der erd in allem egipt. Vmb dye sach

pharaon der eylet vnd rufft moyses vnd aaron vñ sprach zu in. Ich hab gesundet wider ewern herren got. vnd wider euch. Aber nun vergebt mir auch die sund zu der stund vnd bitt ewern herrē got das er abneme disen tod vō mir. Vñ moyses der gieng auß vō dem angesiht pharaons. vnd bett zu dem herren. Der macht ween eyner starcken wind von dem vndergange. der begrayff die hewschrecken. vnd warff sy in das rott meer. vnd belib keiner in allen enden egipti Vnd der herr erherttet das hertz pharaons. er lieh mit dy sün israhel. Aber der herre sprach



zu moyses. Streck deyn hand zu dem hymel. vñ vinsten werden vber alles das land egipt. als dick das sy mügen werden begriffen. Vñ moyses strack die hand zu dem hymel. vnd vorch sam vinsternuß wurden gemacht in allem dem land egipti. Dreyer tag keyner sah seynen bruder. noch ward bewegt vō der stat an der er woz. Aber allenthalben do dye sün israhel woneten do was es liecht. Vnd pharaon der rufft moyses vnd aaron. Vnd sprach zu in. Geet opfert ewern herren got. Ewere schaff vñ die schwaigen sullen alleyn bleyben. ewer kind geen auch mit euch. Moyses sprach. Vnd du gibe vnß die gantzen opfer. vnd dy opfer die wir opfern vnserm herren got. vnd alle dy geen mit vnß Eyn floe beleybe mit von den dingen dye vnß seyn notturfftig zu dem dienst vnser herren gotz. voran so wir mit wissen was man soll opferen bis das wir kumē zu der selbē stat. Aber

der herr hett verherttet das hertz pharaons. vnd er wolt sye mit lassen. Vnd pharaon sprach zu moyses. Scheyd dich von mir vnd hüt das du fürbas icht sehest meyn antlytz. An welchem tag du mir erscheynst. so mustu sterben. Moyses antwort. es gescheh als du hast geredt. Fürbas sih ich nicht deyn antlytz.

Das .XI. Capitel wie got lyeh sterben alle die erstgepornen in egipten. vnd wie israhels kinder entlehennten dye kleyinat von den egiptiern.

Und der herr sprach zu moyses. ich rüre noch pharaon von egipt mit eyner plag vnd nach disen dingen last er euch. vnd zwingt euch aufzuziehen. Darumb so sprich zu allem dem volck das